



O'ZBEKISTON RESPUBLIKASI VAZIRLAR MAHKAMASINING QARORI

20 25 yil « 29 » aprel

№ 281

Toshkent sh.

Ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш тартибини такомиллаштириш чора-тадбирлари тўғрисида

Ўзбекистон Республикаси Президентининг “Заргарлик буюмларини ишлаб чиқариш соҳасини янада ривожлантириш ва уларнинг рақобатбардошлигини таъминлаш чора-тадбирлари тўғрисида” 2024 йил 23 июлдаги ПФ–104-сон Фармони ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг “Заргарлик буюмларини ишлаб чиқариш соҳасини янада ривожлантириш ва уларнинг рақобатбардошлигини таъминлаш чора-тадбирлари тўғрисида” 2024 йил 23 июлдаги ПФ–104-сон Фармонида Ўзбекистон Республикаси Иқтисодиёт ва молия вазирлиги ҳузуридаги Давлат асиллик даражаси назорати инспекциясининг (кейинги ўринларда – Инспекция) хулосаси бўлмаган ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш ман этилгани **маълумот учун** қабул қилинсин.

2. Қуйидагиларни назарда тутувчи **Қимматбаҳо металллардан тайёрланган ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш учун Ўзбекистон Республикаси Иқтисодиёт ва молия вазирлиги ҳузуридаги Давлат асиллик даражаси назорати инспекциясининг хулосасини олиш тартиби тўғрисидаги низом** 1-иловага мувофиқ тасдиқлансин:

ярим тайёр заргарлик буюми тушунчасини белгилаш;

ярим тайёр заргарлик буюмини Инспекция томонидан идентификация қилиш;

Инспекция томонидан тақдим этилган буюм ярим тайёр заргарлик буюмига мансублиги юзасидан хулоса бериш;

ярим тайёр заргарлик буюмларини Инспекция хулосаси асосида Ўзбекистон Республикаси божхона ҳудудидан ташқарига олиб чиқиш тартиби.

3. Белгилансинки, тайёр заргарлик буюмини хулоса олиш учун Инспекцияга юбориш ҳолатлари олдини олиш ҳамда заргарлик буюмларининг олиб чиқилишини тезкор ҳал этишни мақсадида божхона органларига Инспекция мутахассисларини жалб қилишга рухсат этилсин.

4. Ўзбекистон Республикаси Ҳукуматининг 2-иловага мувофиқ айрим қарорларига ўзгартириш ва қўшимчалар киритилсин.

5. Ўзбекистон Республикаси Иқтисодиёт ва молия вазирлиги манфаатдор вазирлик ва идоралар билан биргаликда бир ой муддатда “Лицензиялаш, рухсат бериш ва хабардор қилиш тартиб-таомиллари тўғрисида”ги Ўзбекистон Республикасининг Қонунига тегишли ўзгартириш ва қўшимчалар киритиш бўйича қонун лойиҳасини Вазирлар Маҳкамасига киритсин.

6. Мазкур қарорнинг 2-банди ва унга 1-илова қарор расмий эълон қилинган кундан эътиборан уч ой ўтгач кучга киради.

7. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари – иқтисодиёт ва молия вазири Ж.А. Қўчқоров зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2025 йил 29 апрелдаги 281-сон қарорига
1-илова

**Қимматбаҳо металллардан тайёрланган ярим тайёр заргарлик буюмларини
Ўзбекистон Республикаси божхона ҳудудидан ташқарига олиб чиқиш учун
Иқтисодиёт ва молия вазирлиги ҳузуридаги Давлат асиллик даражаси
назорати инспекциясининг хулосасини олиш тартиби тўғрисида
НИЗОМ**

1-боб. Умумий қоидалар

1. Ушбу Низом қимматбаҳо металллардан тайёрланган ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш учун Иқтисодиёт ва молия вазирлиги ҳузуридаги Давлат асиллик даражаси назорати инспекциясининг (кейинги ўринларда – Инспекция) хулосасини олиш тартибини белгилайди.

2. Ушбу Низомда қуйидаги асосий тушунчалар қўлланилади:

ваколатли орган – ярим тайёр заргарлик буюмларини Ўзбекистон Республикаси ҳудудидан ташқарига олиб чиқиш учун хулоса бериш ваколатига эга бўлган Инспекция;

заргарлик буюмларининг муайян мақсадли қисмлари – заргарлик буюмларининг асосий, қўшимча ва иккиламчи қисмлари;

заргарлик буюмининг асосий қисми – заргарлик буюмининг тавсифини ва фойдаланиш мақсадини белгиловчи қисм;

заргарлик буюмининг қўшимча қисми – ҳажми ҳамда мақсади билан заргарлик буюмининг асосий қисмини тўлдирувчи, лекин мустақил равишда фойдаланиб бўлмайдиган қисм (уловчи ҳалқачалар, қулфлар, штифтлар ва бошқалар);

заргарлик буюмининг иккиламчи қисмлари – заргарлик буюмининг асосий ва қўшимча қисмига қирмайдиган бошқа майда қисмлар;

махсус посилка – талабгор томонидан ваколатли органга тақдим этиладиган, ярим тайёр заргарлик буюмларини жойлаштириш ҳамда муҳрлаш имконини берадиган, қопқоқли шаффоф кўринишга эга пластик идишлар (контейнерлар);

партия – талабгор томонидан ариза бўйича бир марта топшириладиган ярим тайёр заргарлик буюмларининг бир ёки бир нечта махсус посилкалари;

талабгор – амалдаги қонунчилик ҳужжатларига мувофиқ заргарлик буюмларини ишлаб чиқариш ҳуқуқига эга бўлган тадбиркорлик субъектлари;

тайёр заргарлик буюмлари – қимматбаҳо металллар ва уларнинг қотишмаларидан ясалган, қонунчиликда белгиланган энг паст асиллик даражаларидан кам бўлмаган асиллик даражасига эга, ишлаб чиқарувчининг шахсий тамғаси изи ва белгиланган намунадаги асиллик даражаси белгиси ёки ишлаб чиқарувчининг шахсий тамғаси изи ва Ўзбекистон Республикаси давлат асиллик даражаси тамғаси изига эга бўлган, технологик жараённинг барча босқичлари (силлиқлаш, сайқаллаш, кавшарлаш ва бошқалар)дан ўтган, заргарлик буюмларига оид Давлат стандарти талабларига тўлиқ жавоб берадиган буюмлар;

фойдаланишда бўлган, қалбаки тамға излари мавжуд, шикастланган ва/ёки шикаст етказувчи заргарлик буюмлари – қимматбаҳо металллардан ясалган, ташқи ва ички ёриқлари ва синиқлари мавжуд, қирилган, ортиқча илмоқли металл бўлаклари (заусенес), эзилган, фойдаланиш жараёнида зарар етказиши мумкин бўлган, тирновчи ҳолатдаги, шунингдек, тайёр заргарлик буюмлари талабларига жавоб бермайдиган заргарлик буюмлари;

хомашё – технологик жараён орқали заргарлик буюмларини ишлаб чиқаришда фойдаланиладиган қимматбаҳо металллардан тайёрланган стандарт ва ўлчовли куймалар, қимматбаҳо металллардан иборат симлар, плиталар, ленталар, пластиналар, листлар, гранулалар ва кавшарлар;

ярим тайёр заргарлик буюмлари – қонунчиликда белгиланган асиллик даражаларига мувофиқ қимматбаҳо металллардан иборат бўлган хомашёга ишлов берилиб (қиздириш, эритиш, филлердан ўтказиш, куйиш, қирқиш, букиш, эговлаш, кавшарлаш, арралаш, пармалаш, жўвалаш, пардозлаш, сайқаллаш, силлиқлаш ва бошқалар), тўлиқ тайёр заргарлик буюмига айлантириш учун кейинги технологик жараёнларни талаб этадиган ва муайян мақсадли қисмлари жамланган ҳолдаги заргарлик буюмлари ва/ёки уларнинг муайян мақсадли қисмлари;

ярим тайёр маҳсулот – муайян мақсадли қисмлар кўринишига келтирилмаган маҳсулотлар;

ярим тайёр заргарлик буюмларини идентификация қилиш – талабгор томонидан тақдим этилган буюмларнинг ярим тайёр заргарлик буюми эканлигини тасдиқлаш.

3. Ушбу Низом талаблари қуйидагиларни олиб чиқишга татбиқ этилмайди: тайёр заргарлик буюмлари;

халқаро кўргазмаларда иштирок этиш учун республика ҳудудидан “вақтинчалик олиб чиқиш” режимида олиб чиқиладиган ярим тайёр заргарлик буюмлари;

божхона ҳудудидан ташқарига қайта ишлаш учун олиб чиқиладиган ярим тайёр заргарлик буюмлари.

2-боб. Ярим тайёр заргарлик буюмларини ваколатли орган томонидан идентификация қилиш тартиби

4. Ярим тайёр заргарлик буюмлари ваколатли орган томонидан мазкур Низомга 1-иловада келтирилган схемага мувофиқ идентификация қилинади.

5. Ярим тайёр заргарлик буюмларини ваколатли орган томонидан идентификация қилиш учун талабгор ваколатли органга ўзи келиб мурожаат этади ёки давлат хизматларидан электрон шаклда фойдаланиш учун Ягона интерактив давлат хизматлари порталида (кейинги ўринларда – ЯИДХП) рўйхатдан ўтади.

Аризалар ЯИДХП орқали дам олиш ва байрам кунларидан қатъий назар, ҳар куни 24 соат давомида юборилиши мумкин.

Аризалар иш вақтидан кейин ёки дам олиш ва байрам кунлари тушганда, навбатдаги иш куни аризаларнинг ваколатли органга тушган ва ваколатли орган томонидан қабул қилинган кун ҳисобланади.

6. Талабгор ёки унинг номидан мурожаат қилиш ҳуқуқига эга бўлган шахс ўзи келиб мурожаат этган тақдирда, ваколатли орган ходими ариза берувчи номидан, ЯИДХП орқали мурожаат этган тақдирда эса, мустақил равишда 2-иловага мувофиқ аризани электрон равишда тўлдиради.

Талабгор ишончнома асосида ҳаракат қилаётганда, белгиланган тартибда тасдиқланган ишончнома (юридик шахс томонидан берилган ишончнома бундан мустасно) аризага илова қилинади.

Ариза берувчи ЯИДХП орқали мурожаат этган тақдирда, аризани электрон рақамли имзо билан тасдиқлаш талаб этилмайди.

7. Талабгор томонидан аризага ярим тайёр заргарлик буюмини ишлаб чиқаришга оид техник ҳужжатлар илова қилинади.

Талабгордан бошқа маълумотлар ва ҳужжатларни талаб қилиш тақиқланади.

8. Талабгор ваколатли органга ўзи келиб мурожаат этганда, ариза билан бирга ваколатли органга ярим тайёр заргарлик буюмларининг партиясини топширади.

Ариза ЯИДХП орқали тақдим этилганда ариза ваколатли орган томонидан қабул қилинган кундан бошлаб бир иш куни давомида ярим тайёр заргарлик буюмларининг партияси ваколатли органга топширилиши лозим.

Талабгор ваколатли органга ярим тайёр заргарлик буюмларини махсус посилкада топширади.

Махсус посилкаларга талаблар ваколатли орган томонидан белгиланади ва унинг веб-сайтида барча учун очиқ эълон қилинади.

Ваколатли орган ярим тайёр заргарлик буюмини талабгордан қабул қилиш далолатномаси асосида қабул қилиб олади.

Ваколатли орган талабгор томонидан тақдим этилган ярим тайёр заргарлик буюмини қабул қилишни рад этишга ҳақли эмас.

9. Ярим тайёр заргарлик буюмини идентификация қилганлик учун Вазирлар Маҳкамасининг 2017 йил 12 октябрдаги 819-сон қарорига 2-иловада белгиланган миқдорларда тўлов ундирилади.

Ярим тайёр заргарлик буюмини идентификация қилиш учун ЯИДХП орқали мурожаат этилганда, белгиланган тўлов суммасининг 90 фоизи ундирилади.

Йиғимлар суммаси қуйидаги тартибда тақсимланади:

а) ваколатли органга келиб мурожаат этганда, тўлов суммасининг 100 фоизи – ваколатли орган ҳисобварағига;

б) ЯИДХП орқали мурожаат этилганда:

11,75 фоизи – “Рақамли ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги шахсий ҳисобварағига (шу жумладан, 0,5 фоизи йиғим тўланганлиги Ягона биллинг тизими орқали тасдиқлангани учун);

қолган маблағлар — ваколатли орган ҳисобварағига ўтказилади.

10. Талабгор ярим тайёр заргарлик буюмини идентификация қилиш хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Бунда талабгор ваколатли орган томонидан хизмат кўрсатишнинг амалга оширилган босқичлари учун тўлов қилишга мажбур.

Талабгор хизматдан фойдаланишдан бош тортганда, унинг аризаси кўрилмасдан қолдирилади.

11. Ваколатли орган идентификация учун қабул қилинган ярим тайёр заргарлик буюмларининг оғирлигига қараб, қуйидаги муддатларда талабгорга ушбу буюмларнинг ярим тайёр заргарлик буюмларига мансублиги ҳақида хулоса бериш ёки беришни рад этиш тўғрисида хабарнома юборади:

партиянинг оғирлиги 3 000 граммгача бўлган ярим тайёр заргарлик буюмлари бўйича — 3 иш куни давомида;

партиянинг оғирлиги 3 000 граммдан ортиқ бўлган ярим тайёр заргарлик буюмлари бўйича — 5 иш куни давомида.

12. Ярим тайёр заргарлик буюмлари визуал ҳамда асбоб-ускуналар ва ўлчов воситаларидан фойдаланган ҳолда талабгор тақдим этган ҳужжатлар идентификация қилинади ва қуйидаги текшириш босқичларни ўз ичига олади:

ярим тайёр заргарлик буюмларининг техник жиҳатдан тартибга солиш соҳасидаги ҳужжатларга ва талабгор томонидан аризага илова қилинган ишлаб чиқаришга оид техник ҳужжатларга мувофиқлигини текшириш;

тақдим этилган ярим тайёр заргарлик буюмларининг кўрсатилган асиллик даражасига мувофиқлигини текшириш;

тақдим этилган буюмларнинг ярим тайёр заргарлик буюмларига мансублигини текшириш.

Ваколатли орган аризани кўриб чиқиш муддати давомида ўз ходимлари таркибидан ёки бошқа шахсларни жалб қилган ҳолда эксперт ва ишчи гуруҳлар ташкил этиши, шунингдек, тақдим этилган буюмлар ярим тайёр заргарлик буюмларига мансублигини белгилаш учун қонунчилик ҳужжатлари билан тақиқланмаган бошқа ҳаракатларни амалга ошириши мумкин.

13. Ариза берувчи томонидан мазкур Низомда кўрсатилган ҳужжатлар ёки маълумотлар тўлиқ тақдим этилмаганда, ариза ва унга илова қилинадиган ҳужжатларда нотўғри ёки бузиб кўрсатилган маълумотлар мавжуд бўлганда, тақдим этилган ярим тайёр заргарлик буюмлари тавсифлари аризада кўрсатилган тавсифларга мос келмаганда, ваколатли орган бир иш куни ичида ариза берувчига камчиликларни тўлиқ кўрсатган ҳолда хатоларни бартараф этиш ва етишмаётган ҳужжатларни тақдим этиш учун камида беш иш кунидан кам бўлмаган муддат (имконият) беради.

Давлат хизматини кўрсатиш муддати хатоларни бартараф этиш ва етишмаётган ҳужжатларни тақдим этиш вақти мобайнида тўхтатиб турилади.

14. Ярим тайёр заргарлик буюмларини идентификация қилишни рад этиш учун қуйидагилар асос бўлади:

талабгор томонидан мазкур Низомнинг 7 ва 8-бандлари талаблари бажарилмаган тақдирда;

ярим тайёр заргарлик буюмини идентификация қилганлик учун талабгор томонидан белгиланган миқдорда тўлов амалга оширилмаганда;

хужжатларда ёлгон ёки қалбаки маълумотлар кўрсатилгани аниқланганда;

талабгор томонидан мазкур Низомнинг 13-бандида назарда тутилган хатолар белгиланган муддатда бартараф этилмаганда.

Давлат хизматини кўрсатишни бошқа асосларга кўра, шу жумладан, мақсадга мувофиқ эмаслик важи билан рад этишга йўл қўйилмайди.

15. Талабгор томонидан тақдим этилган буюмларнинг ярим тайёр заргарлик буюмига мансублиги ҳақида хулоса беришни рад этиш учун қуйидагилар асос бўлади:

ярим тайёр заргалик буюмларининг техник жиҳатдан тартибга солиш соҳасидаги хужжатлар ва талабгор томонидан аризага илова қилинган ишлаб чиқаришга оид техник хужжатлар талабларига мос келмаганда;

тақдим этилган ярим тайёр заргарлик буюмларининг асиллик даражаси аризада кўрсатилган даражага мос келмаганда;

тақдим этилган буюмларнинг ярим тайёр заргарлик буюмларига мансуб эмаслиги аниқланганда;

тақдим этилган буюм ярим тайёр маҳсулот эканлиги аниқланганда;

тақдим этилган буюм фойдаланишда бўлган, қалбаки тамға излари мавжуд, шикастланган ва (ёки) шикаст етказувчи заргарлик буюми эканлиги аниқланганда.

Бунда ваколатли орган томонидан QR-код (матрик штрихли код) қўйилган хулоса беришни рад этиш ҳақидаги хабарнома 3-иловага мувофиқ автоматик равишда шакллантирилади ва талабгорнинг ўзига қоғоз шаклида берилади ёки унинг ЯИДХПдаги шахсий кабинетига электрон шаклда юборилади.

16. Талабгор томонидан тақдим этилган буюмларнинг ярим тайёр заргарлик буюмига мансублиги, тегишли асиллик даражасига эга эканлиги аниқланганда ҳамда улар техник жиҳатдан тартибга солиш соҳасидаги хужжатлар ва талабгор томонидан аризага илова қилинган ишлаб чиқаришга оид техник хужжатлар талабларига мувофиқ бўлганда, ваколатли орган томонидан QR-код (матрик штрихли код) қўйилган хулоса 4-иловага мувофиқ автоматик равишда шакллантирилади ва талабгорнинг ўзига қоғоз шаклида берилади ёки унинг ЯИДХПдаги шахсий кабинетига электрон шаклда юборилади.

17. Ваколатли орган томонидан берилган хулосанинг амал қилиш муддати 30 календарь кун этиб белгиланади. Белгиланган муддат тугаши билан ушбу хулоса ҳақиқий эмас деб ҳисобланади.

18. Хабарнома ёки хулоса билан бирга ваколатли орган талабгорга идентификация қилинган ярим тайёр заргарлик буюмларни ваколатли органнинг муҳри қўйилган махсус посилкада топширади.

Талабгор ваколатли органдан махсус посилкани қабул қилиб олганидан сўнг қадокнинг яхлитлиги ва муҳрларнинг бутлиги учун тўлиқ жавобгарликни ўз зиммасига олади.

19. Талабгор хулоса беришни рад этиш ҳақидаги хабарномадан қаноатланмаган тақдирда, белгиланган тартибда юқори турувчи органга ёки судга шикоят қилиши мумкин.

20. Ваколатли органнинг хулосасида нотўғри маълумотлар мавжудлиги аниқланган тақдирда, ариза берувчи бир ой ичида тўловни амалга оширмасдан белгиланган тартибда қайта мурожаат қилиш ҳуқуқига эга (башарти махсус посилкада ваколатли органнинг муҳри ва пластик идишлар (контейнерлар)нинг яхлитлиги бузилмаган тақдирда).

3-боб. Хулосани қайта расмийлаштириш

21. Талабгорнинг ташкилий-ҳуқуқий шакли, номи ёки жойлашган жойи (почта манзили), исми, отасининг исми, унга давлат рўйхатидан ўтказилганлиги ҳақида берилган гувоҳномада кўрсатилган маълумотлар ўзгарган тақдирда, талабгор хулосани қайта расмийлаштириш учун ваколатли органга ўн иш куни ичида ваколатли органга бевосита ўзи келиб мурожаат этади ёки ЯИДХПда кўрсатиб ўтилган маълумотларни тасдиқловчи тегишли ҳужжатларни илова қилган ҳолда электрон шаклда ариза тўлдиради.

22. Хулосани қайта расмийлаштирганлик учун тўлов ундирилмайди.

23. Ваколатли орган талабгорнинг аризаси келиб тушган кундан бошлаб бир иш кунидан кўп бўлмаган муддатда хулосани қайта расмийлаштиради ва талабгорга юборади.

24. Ваколатли орган хулосани қайта расмийлаштиришда хулоса реестрига тегишли ўзгартиришлар киритади.

Хулосани қайта расмийлаштиришда илгари берилган хулосанинг амал қилиш муддати ўзгармайди.

4-боб. Ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш шартлари

25. Ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқишга фақат заргарлик буюмларини ишлаб чиқариш ҳуқуқига эга бўлган тадбиркорлик субъектларига рухсат этилади.

26. Ярим тайёр заргарлик буюмлари Ўзбекистон Республикаси божхона ҳудудидан ташқарига божхона қонунчилигига мувофиқ ваколатли органнинг муҳри билан муҳрланган махсус посилкада ва ваколатли органнинг хулосаси асосида олиб чиқилади.

27. Божхона органлари божхона назорати ва расмийлаштируви жараёнида талабгор тақдим этган махсус посилкада ваколатли органнинг муҳри мавжудлиги, бутлиги ҳамда махсус посилканинг талабгорга тегишли эканлигини кўздан кечиради.

28. Махсус посилкада ваколатли органнинг муҳри бузилган (шикастланган) бўлса, пломба излари кўринмаса ёки пластик идишлар (контейнерлар)нинг яхлитлиги бузилган бўлса, ушбу посилкалар божхона расмийлаштирувидан ўтказилмайди.

Бунда ярим тайёр заргарлик буюмларининг такрорий индентификацияси ваколатли орган томонидан умумий тартибда ўтказилади.

5-боб. Якунловчи қоидалар

29. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонунчиликда белгиланган тартибда шикоят қилиши мумкин.

30. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Қимматбаҳо металллардан тайёрланган ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш учун Давлат асиллик даражаси назорати инспекциясининг ҳулосасини олиш тартиби тўғрисидаги низомга
1-илова

Қимматбаҳо металллардан тайёрланган ярим тайёр заргарлик буюмларини Давлат асиллик даражаси назорати инспекцияси томонидан идентификация қилиш
СХЕМАСИ

Босқичлар	Субъектлар	Тадбирлар	Бажариш муддатлари
1-босқич	Талабгор	Ярим тайёр заргарлик буюмларини идентификация қилиш учун Давлат асиллик даражаси назорати инспекциясига (кейинги ўринларда – ваколатли орган) шахсан келиб ёки Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали мурожаат қилади.	Ўз хоҳишига кўра
2-босқич	1. Ваколатли орган 2. ЯИДХП	1. Ваколатли орган ходими аризани тўлдириб, қабул қилиб олади. 2. Тўлдирилган аризани автоматик тарзда ваколатли органга юборади.	1. Ариза тўлдирилгандан кейин 10 дақиқада 2. Реал вақт режимида
3-босқич	Талабгор	Ваколатли органга ярим тайёр заргарлик буюмларининг партиясини топширади.	1. Талабгор ваколатли органга ўзи келиб мурожаат этганда ариза билан бирга. 2. Ариза ЯИДХП орқали тақдим этилганда ариза ваколатли орган томонидан қабул қилинган кундан бошлаб бир иш куни давомида.

4-босқич	Ваколатли орган	Ярим тайёр заргарлик буюмини талабгордан қабул қилиш далолатномаси асосида қабул қилиб олади.	20 дақиқа ичида
5-босқич	Ваколатли орган	1. Ярим тайёр заргарлик буюмини идентификация қилади. 2. Идентификация натижаси бўйича: QR-код (штрихли код) қўйилган хулосани расмийлаштиради ва уни талабгорнинг ўзига топширади ёки ЯИДХП орқали унга юборади; хулоса беришни рад этади ва бу ҳақида хабарнома расмийлаштириб, талабгорнинг ўзига топширади ёки ЯИДХП орқали унга юборади. 3. Хабарнома ёки хулоса билан бирга талабгорга идентификация қилинган ярим тайёр заргарлик буюмларини муҳр қўйилган махсус посилкада топширади.	Ярим тайёр заргарлик буюмларининг оғирлигига қараб: партиянинг оғирлиги 3 000 граммгача бўлганда – 3 иш куни давомида; партиянинг оғирлиги 3 000 граммдан ортиқ бўлганда – 5 иш куни давомида

Қимматбаҳо металллардан тайёрланган ярим тайёр
заргарлик буюмларини Ўзбекистон Республикаси
божхона ҳудудидан ташқарига олиб чиқиш учун
Давлат асиллик даражаси назорати
инспекциясининг хулосасини олиш тартиби
тўғрисидаги низомга
2-илова

Ўзбекистон республикаси
Иқтисодиёт ва молия вазирлиги ҳузуридаги
Давлат асиллик даражаси назорати инспекцияси
(хулоса берувчи органнинг номи)

100000, Тошкент ш., Зарафшон кўчаси, 4-уй, Тел./Факс: (99871) 233-02-33 mail: devonxona@dadni.uz
(хулоса берувчи органнинг манзили)

Қимматбаҳо металллардан тайёрланган ярим тайёр заргарлик буюмларини
идентификация қилиш ва хулоса олиш учун
АРИЗА

(талабгор номи (ишлаб чиқарувчи), СТИР рақами, почта манзили, банк номи, ҳисоб рақами)

НОМИДАН _____ шуни маълум қиладики,
(раҳбарнинг Ф.И.О.)

(металлнинг тури, буюмнинг номи, вазни (грамм), сони (дона), асиллик даражаси)

_____ га асосан ишлаб чиқарилган,
(заргарлик буюмларини ишлаб чиқариш учун хабарноманинг рақами ва санаси)

(ярим тайёр заргарлик буюмини ишлаб чиқаришга оид техник ҳужжатларининг номи)

_____ талабларига жавоб беради.
(техник жиҳатдан тартибга солиш соҳасидаги номартив ҳужжатнинг номи ва рақами)

Юқоридагилардан келиб чиқиб, экспорт қилиш мақсадида ушбу товарларнинг ярим
тайёр заргарлик буюмига мансублиги бўйича хулоса берилишини сўрайди.

Тақдим этилаётган ҳужжатлар рўйхати ва сони:

- 1.
- 2.

Ариза берувчи

(муҳр (агар мавжуд бўлса), имзо)

(Ф.И.О.)

Сана

Қимматбаҳо металллардан тайёрланган ярим тайёр
заргарлик буюмларини Ўзбекистон Республикаси
божхона ҳудудидан ташқарига олиб чиқиш учун
Давлат асиллик даражаси назорати
инспекциясининг хулосасини олиш тартиби
тўғрисидаги низомга
3-илова

ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ
ВАЗИРЛИГИ ҲУЗУРИДАГИ
ДАВЛАТ АСИЛЛИК
ДАРАЖАСИ НАЗОРАТИ
ИНСПЕКЦИЯСИ



ИНСПЕКЦИЯ
ГОСУДАРСТВЕННОГО
ПРОБИРНОГО КОНТРОЛЯ ПРИ
МИНИСТЕРСТВЕ ЭКОНОМИКИ И
ФИНАНСОВ РЕСПУБЛИКИ
УЗБЕКИСТАН

Хулоса беришни рад этиш ҳақида ХАБАРНОМА

202__йил “__”_____

_____ -сон

Берилган: _____
(талабгорнинг номи)

Қимматбаҳо металллардан тайёрланган ярим тайёр заргарлик буюмларини
идентификация қилиш ва хулоса олиш учун тақдим этилган аризангиз қонунчилик
ҳужжатларида белгиланган тартибда ва муддатларда кўриб чиқилиб, хулоса беришни
рад этиш ҳақида хабарнома тақдим қилинмоқда.

Қуйидагиларга кўра хулоса бериш рад этилди:

1. _____
2. _____
3. _____

Давлат асиллик даражаси назорати
инспекцияси бошлиғи

(имзо)

(Ф.И.О.)

Қимматбаҳо металллардан тайёрланган ярим тайёр
заргарлик буюмларини Ўзбекистон Республикаси
божхона ҳудудидан ташқарига олиб чиқиш учун
Давлат асиллик даражаси назорати
инспекциясининг хулосасини олиш тартиби
тўғрисидаги низомга
4-илова

ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ
ВАЗИРЛИГИ ҲУЗУРИДАГИ
ДАВЛАТ АСИЛЛИК
ДАРАЖАСИ НАЗОРАТИ
ИНСПЕКЦИЯСИ



ИНСПЕКЦИЯ
ГОСУДАРСТВЕННОГО
ПРОБИРНОГО КОНТРОЛЯ ПРИ
МИНИСТЕРСТВЕ ЭКОНОМИКИ И
ФИНАНСОВ РЕСПУБЛИКИ
УЗБЕКИСТАН

Қимматбаҳо металллардан тайёрланган буюмнинг ярим тайёр заргарлик буюмига мансублиги ҳақида
ХУЛОСА

202__йил “__” _____

_____сон

_____аризасига биноан қимматбаҳо металллардан

(талабгорнинг номи)

Талабгор томонидан тақдим этилган ярим тайёр заргарлик буюмлари Қимматбаҳо металллардан тайёрланган ярим тайёр заргарлик буюмларини Ўзбекистон Республикаси божхона ҳудудидан ташқарига олиб чиқиш учун Давлат асиллик даражаси назорати инспекциясининг хулосасини олиш тартиби тўғрисидаги низомга мувофиқ идентификациядан ўтказилди.

Транзакция тафсилотлари:

Талабгорнинг номи _____

Ярим тайёр заргарлик буюмининг номи _____

Ярим тайёр заргарлик буюмининг сони _____

дона

Ярим тайёр заргарлик буюмининг асиллик даражаси _____

Тўпламнинг умумий оғирлиги _____

грамм

Партия сони _____

Ўзбекистон Республикаси Иқтисодиёт ва молия вазирлиги ҳузуридаги Давлат асиллик даражаси назорати инспекцияси куйидаги хулосага келди:

**Қимматбаҳо металллардан тайёрланган буюмлар ярим тайёр заргарлик буюмлари деб
ҳисобланади ва Ўзбекистон Республикаси ҳудудидан олиб чиқиш учун тақдим этилади.**

Хулоса ва ярим тайёр заргарлик буюмлари қадоқланади ва Давлат асиллик даражаси назорати инспекциясининг ____-рақамли муҳри билан муҳрланади.

Ушбу хулоса 202__йил “__” _____гача амал қилади.

Давлат асиллик даражаси назорати
инспекцияси бошлиғи

(имзо)

(Ф.И.О.)

Вазирлар Маҳкамасининг
2025 йил “ 29 ” апрелдаги 281-сон қарорига
2-илова

Вазирлар Маҳкамасининг “Қимматбаҳо металллардан ясалган заргарлик ва бошқа буюмларнинг асиллик даражасини белгилаш ва тамғалаш билан боғлиқ юридик аҳамиятга эга ҳаракатларни амалга оширганлик учун асиллик даражаси тўловини ундириш тартибини янада такомиллаштириш чора-тадбирлари тўғрисида” 2017 йил 12 октябрдаги 819-сон қарорига киритилаётган ўзгартириш ва қўшимчалар

Қарорга 2-иловада:

а) 3.1-позициянинг “Ишларнинг номи” устунидаги иккинчи хатбоши қуйидаги таҳрирда баён этилсин:

“Ўзбекистон Республикаси давлат асиллик даражаси тамғалари изларининг ҳақиқийлигини, Ўзбекистон Республикаси давлат асиллик даражаси тамғаларининг излари ва ишлаб чиқарувчининг шахсий тамғаси изи ҳамда белгиланган намунадаги асиллик даражаси белгиси қалбакилигини, шунингдек, буюмларда ҳар хил тамға излари мавжуд ёки мавжуд эмаслигини аниқлаш”;

б) 3.2-позициянинг “Ишларнинг номи” устунидаги иккинчи ва учинчи хатбошлар қуйидаги таҳрирда баён этилсин:

“олтиннинг 750, кумушнинг 925, платинанинг 900 ва палладийнинг 850 асиллик даражаларидан юқори бўлганлари спектрометрда рентген-флуоресцентли усул билан;

металл туридан қатъий назар, юқорида кўрсатилган асиллик даражаларидан паст бўлганлари намуна тошида текшириш усули билан”;

в) қуйидаги мазмундаги 3.7-позиция билан тўлдирилсин:

3.7.	ярим тайёр, тайёр, тугалланмаган, фойдаланишда бўлган, шикастланган ва/ёки шикаст етказувчи заргарлик буюмларини визуал аниқлаш учун:		
	200 гача	грамм	50,0
	201 дан 500 гача	грамм	100,0
	501 дан 1 000 гача	грамм	200,0
	1 001 дан 5 000 гача	грамм	500,0
	5 001 дан 10 000 гача	грамм	1 000,0
	10 001 дан юқори	грамм	3 000,0

